



誦芬錄卷四

義門二十二世遷湖支下鄭 估謹述

應奎翁義門志謂當時三十八代孫凝道為歙縣令
始遷歙按司空表聖柳文肅二公族系記吳淵穎
譜圖序當作三十九代

元至大間旌表孝義虞文靖集碑謂逾三十年始乞
辭立石大梁明善撰宗伯公神道碑云公生之日
會碑落成時則至元戊寅十月十三日也吳司業
思誠義門詩序謂旌表在至大四年按至元戊寅

距至大四年計二十八年云三十年者至大二年里者列其事於縣縣令長上之大府具移廉訪使者覆按如章以次達於中書下之儀曹請用故事至大四年詔許旌門

柳文肅自跋義門記碑後云余作記時但依義居世次謂綺實來徙及大和示予宗譜則來徙者綺之祖淮也已而改定如別本復識於此使後人無惑焉前輩著述攷訂精詳所以傳信

元太師右丞相脫脫題白麟溪三大字歐陽元跋稱字畫方毅酷類顏魯公太師不以工書名忠毅之氣鬱勃於胸中一舉筆自與前人符合今溪上之碑為重摹猶不失神原刻藏白麟菴中

廉訪公官授經郎時嘗為太師館客太師寫竹一幅遺公枝葉偃嚮節脈分明得文與可筆意與李蘄邱諸人所作不同歐陽元跋謂公在相府直言不阿又多引拔善類為長史甚得體相君雅愛重之故授以心畫云

元治書御史苑邱趙子期為龍灣公作積善之家四

大篆文貢師泰跋謂自宋建炎至今同居已九世非先人積善福被後人者何能若此時則至正十年秋九月九日也自至正訖明正統景泰間又歷二世迨天順時寇火頻遭始分析世稱九世同居者據太祖旌表時言爾

元余忠宣所書東浙第一家五篆文至正庚寅秋七月縣達魯花赤阿年八哈縣尹奉符郭復亨縣主簿大梁劉師稷相與樹碑於庭前史官胡助記之方存雅題義門詩云戶神似相語莫遣阿奴來註引

天都記所載謂浦江鄭氏有天神主之每祭必見形且曰吾天地間忠孝之鬼昔主江州陳氏今為汝家依表毋得為非義以取禍言絕而隱鄭氏建天神閣奉之戶神相語本此又浦江縣志義門同居時有神降於箕稱苟變元帥來汝家助義因構祠祀之每事必稟成或請圖神像神云當屬橋上畫工明日有畫工坐義門橋上延入神現形一寫而就後神像忽自焚神曰汝家且分析吾從此去異日可重興二說近誕而吾家舊有忠孝之廟或

從而附會之

金華周景暹精丹溪之學為魯王府良醫正孝行純篤縉紳以全孝先生稱之其子孟衷仲章省侍無怠父子令聞達於魯王王乃書江南孝義家五大字識以魯府圖書日就月將鳳唼晴雲三印章賜之長史公有贊并序載鳳鳴集或疑予家孝義家為藩王書者因周而誤也

鄭司業篤於友誼每出與同舟共庖有異人為主饋後登上壽長史公致政歸蜀獻王錄司業事以賜

且以同姓壽考期之廬陵李子儀跋謂司業家食而已若教授從容經幄日賜珍膳司刀匕者豈待異人稱教授者致政時奏升長史以輔導世子猶稱前職焉

洪熙建元時檢討公年八十有五御史公年八十有四長史公年八十寺丞公年七十有四清逸公與寺丞公同庚五老皆龐眉皓首德音粹和日相與鼓琴觴詠為娛吳布政珍之孫吳生者善繪事得趙魏公書法倣林子山三老圖故事為繪麟溪五

言方金
皓圖王杰為之記王稔賦長歌云憶昔九老與者
英異姓幾郡人合併何如麟溪之五皓一門同姓
佳弟兄全詩載麟溪集

三老圖宣使公年七十有一采苓公年六十有七博
士公年亦六十有二吳興林子山為繪圖胡翰記
之

元順帝得智永千文命近臣模刻置宣文閣中所搨
墨本從官之有文學者則識以宣文閣寶而賜之
時廉訪公侍上經筵預是賜元時已寶重若此今

此本不知流落何處

元至正十二年翰林學士承旨月祿帖木兒為中書
平章政事行省江浙三月至鎮手書一門尚義九
世同居八大字以遺博士公是年十一月謀諸家
長摹勒上石王文節禕記稱平章公蒙古人博學
而性剛正仕延祐末天歷初兩遇貶黜而名愈著
元至正時皇太子習書端本堂上命度其所書記之
於籍或以賜近侍宮臣錄所賜人姓名而登載之
廉訪公官授經郎時賜麟鳳二大字歐陽元贊云

青宮臨池神助腕力結體楷嚴運筆端直今宗祠
中庭懸者為近人王邁人庭臨本

題詠義門詩多以神芝醴泉為比捷為百歲翁應儼
以為未知瑞人不瑞物之旨賦長歌以見志文字
怪偉陸元長謂知義之為瑞而不知其所以為義
因稽聖經賢傳從而賡之亦極排界旗鼓相當載
麟溪集中

百韻詩古人不多見而和韻者尤甚諸暨申屠性贈
架閣公五言排律一百韻妥貼排界永嘉余堯臣

次韻以贈不着痕迹游刃有餘二作洵稱合璧載
麟溪集

陳思孝論嶧山碑翻本次第凡七長安第一紹興第
二浦江鄭氏第三應天府第四青社第五蜀中第
六鄒縣第七佶之麟溪展祠時訪求是碑不得搨
本亦無存者詢之宗老云自天順失火蕩然無存
無怪世之珍藏家得之如獲拱璧

提點公為西臺管勾以督運至撫州持麟溪集二十
二卷示某太守太守以家規為可傳遍示五縣士

夫咸為歌詠集中臨川廬陵詞人尤多

麟溪集二十二卷詩以體分文以類編龍灣公手輯自宋迄元詩文不下數百篇每卷虛其左方使來者附益至正間博士公續之洪武時庶子公又續之今之刊本上猶公於成化十一年重雕卷數仍舊時代間有參差附別集於簡末

宋文憲嗣淵穎先生主講席於東明書院受業者吾宗凡四十餘人始終二十年時龍灣公主家政年踰八十文憲年甫四十有五行賓主禮歡然相得

子弟年十六者始命從游後以科第仕宦文章品誼見者得文憲之力為多

宋文憲致政歸未嘗出游而與家先哲春夜賞花賦詩家先哲儉素相承因文憲歸設筵以樂之文憲恐或至流連以太康為規一宴飲間道義相砥礪如此文憲別義門詩曰平生無別念念在麟溪生則長相思死當復來歸成夔州時作也後之建祠祀公詩已豫兆

文憲遷居青蘿山宋公園偶閱宋嘉定間官給地券

言方錄卷四
已有此名文憲嘗嘆曰豈其數或前定歟園之北
東西有二石高尺餘春夏有水出俗呼為龍眼老
樹數本文憲居時所植見王允達汶游青蘿山記
宋文憲致政歸博士公宿胡教授仲申朱長史伯清
蘇編修平仲金徵君元鼎燕集於喜友堂博士公
為詩十四韻敘會合之情出示坐客客皆依韻而
和聯為卷文憲序之此卷不知今落何所詩亦佚
序載麟溪集

宋文憲先世有官大理丞者名憲為易講師弟子衆
至數千人唐武德間自京兆遷吳興後更十四世
有私謚文通先生者名榮通尚書春秋周廣順中
徙於義烏隱居覆釜山又七世至宋嘉定初名柏
者復遷金華潛溪又五世乃至文獻始遷浦江仁
義里之青蘿山公與家先哲師友相承且與飛霞
公結婚姻茲詳其世系誌景行焉

家先哲雅善琴東明精舍有室曰琴軒當至正四年
三月上巳天台應奎翁來游貞和公因偕浦陽戴
仲游宋文憲東陽蔣文用暨陽楊本初義烏黃仲

言方金石記
恭修禊事時博士公經歷公讀書暇方弄琴於室
應奎翁囑貞和公命兩公抱琴徒坐堂上一鼓再
鼓傲昌黎太學故事諸公各賦詩以紀載麟溪集
義門橋距孝感泉五十步吳生麟溪五皓圖中有溪
橋一座上樹橋門顏曰義門橋元廉訪公寄弟詩
吩咐門前橋上柱蒼苔莫掩舊時題溪上橋有九
此為最著

桃花澗為義門修禊地都事公嘗與宋文憲於澗旁
石壇上各敷裯席夾水坐溫酒實髹觴中觴有舟

隨水浮沈次第取飲酒三行年最高者命列觚翰
人皆賦詩二首有不成罰三巨觥衆欣然如約已
而詩盡成杯行無算不減蘭亭之會都事公集所
賦詩文憲為之序

同居時有二馬在廐食必同時一出則一為之不食
宋文憲嘆曰初鄭氏有二犬各生子而出入更相
哺子猶未之奇今觀二馬非適然者紀述家載徐
氏鉉錯兄弟事與鄭氏先後如出一轍行義所感
物類尚然豈有人而不如馬乎一時賦感義詩甚

夥文憲為之序

同居時男女長幼承教誠講禮文於有序堂西曰同心男子會食東曰安貞女子會食天順間被焚今祠之中庭以有序顏之男女誠詞各百餘言載家範

方正學嘗與長史公寺丞公夜集香巖溪亭時雨新霽溪聲砢訇莫色蒼然寺丞公歌子瞻赤壁賦長史公曰子瞻死三百年世豈復有斯人耶正學答曰聖人固不得見孰謂天下無子瞻乎相與大笑

寺丞公請聯句正學吟首三句長史公繼之燭至寺丞公又繼之迭次不絕書遇句工輒撫掌更一燭詩成凡八百言正學書授長史公寘諸溪亭此卷不知今落何處詩亦佚正學有序載麟溪集中孝義家三字明太祖親書起筆時墨少澹命左右研之書畢題兩旁曰江南風土薄惟願子孫賢方正學題義門詩曰史官不用春秋筆天子親書孝義家

浦江宗祠主西上元經歷公更之以中為上歐陽元

稱其無拘牽膠固之弊達禮之本今支祠遵之承
經歷公志也

元麓山八景墓龍游公龍灣公葬焉山有桃花澗鳳
簫臺釣雪磯翠霞屏飲鶴川五析泉飛雨洞蕊珠
巖各有字識鳳簫飛雨釣雪三處字跡漫漶不可
辨舊有白牛生八詠漆書崖石亦剝落家先哲嘗
與宋文憲游息吟詠桃花澗為義門修禊地文憲
有詩并序蔡宗宛有記載麟溪集

龍門公建南溪書院王文成公題匾龐龍詩曰東明
書院陽明匾謾道人間兩絕竒學向蒙泉求濬潔
文成升木務芟夷階前時雨菁莪長坐上春風白
日遲陶冶會看鳴世士于今嵩嶽在南溪東明公
之字也舊址改宋文憲公祠非元麓山下之書院
鳴鶴軒貞孝公及長史公讀書處江中丞某以父子
自為師友取中孚九二繇辭題之新安趙沆有記
天台陶凱有詩載麟溪集蜀獻王書賜長史公書
種堂或云曾懸之此軒今書種堂移宗祠有序堂
之西偏

舊刻鄭氏家儀家規旌義編聖恩錄奕葉文集奕葉
吟等書天順間版燬士烈公琥與兄仕球公瑯先
後重刻今賴以存間有魚魯須訪舊本校之

義廬明天順三年被焚乾隆十二年重建天神閣旁
上倉基下倉基在後門頭蠶房在後門頭南後門頭
者同居時之門今呼為里名按倉基蠶房屋宇久
圯址皆可攷同居盛時勤儉家風至今猶可想見
家先哲不佞佛至今祭祀不用紙錢萬歷時有僧悟
空來自江右釋而近儒因從其請捐資建造白麟

庵于甄村亦以形家言捍蔽水口

浦陽宗祠古柏在有序堂左右者六在師儉廳前池
上者三屈曲蒼老各挺奇姿相傳南宋時植西偏
院內古桂一株虬枝叢出高四五丈廣覆半畝花
時香聞數里亦數百年物

白麟溪西香火廳五楹間前有明太祖勅建江南第
一家坊坊極宏敞元旦族人集于廳賀歲

元麓山由小石橋循溪而上更前數百步有大石當
道左方面可容數人坐以休足因名來休石見蔡

舊刻鄭氏家儀家規旌義編聖恩錄奕葉文集奕葉
吟等書天順間版燬士烈公琥與兄仕球公瑯先
後重刻今賴以存間有魚魯須訪舊本校之

義廬明天順三年被焚乾隆十二年重建天神閣旁
上倉基下倉基在後門頭蠶房在後門頭南後門頭
者同居時之門今呼為里名按倉基蠶房屋宇久
圯址皆可攷同居盛時勤儉家風至今猶可想見
家先哲不佞佛至今祭祀不用紙錢萬歷時有僧悟
空來自江右釋而近儒因從其請捐資建造白麟

庵于甄村亦以形家言捍蔽水口

浦陽宗祠古柏在有序堂左右者六在師儉廳前池
上者三屈曲蒼老各挺奇姿相傳南宋時植西偏
院內古桂一株虬枝叢出高四五丈廣覆半畝花
時香聞數里亦數百年物

白麟溪西香火廳五楹間前有明太祖勅建江南第
一家坊坊極宏敞元旦族人集于廳賀歲

元麓山由小石橋循溪而上更前數百步有大石當
道左方面可容數人坐以休足因名來休石見蔡

之

教諭公諤幼聰穎早入黌序與食廩餼後進出門下
多文學有聲由歲貢任福建長樂縣訓導尋陞湖
廣棗陽縣教諭未至而卒

遜庵公謚貢士將仕郎於宏治年由驥村遷居長興
兜由長興兜遷雙林者寧輔公守鎮也

竹溪公宗蕙少負氣節比長修行誼不妄與人交於
世故澹如也後裔遷蘇州

建安公宗廉性孝友甘澹泊始遷烏程之北堡村

良士公尚志力學有文譽繼配閔孺人守節四十餘
年長齋繡佛羣從子姓亦罕見其面

良言公尚信篤孝弟撫幼弟如子遷吳門

茗陽公尚節力學學者爭負笈三十後以家貧不足
充甘旨遂殖財家漸裕于順治十三年遷吳門配
嚴孺人躬操作侍舅姑先意承志稱婦職

光甫公守美居吳門殖財起家親友需求無不應家
仍落宴如也初撫弟駿烈公守聲之子進士公應
駟為嗣既妾生子進士公歸本支公視之如子配

嚴孺人孝事舅姑相夫子終身無疾言遽色撫嗣子及妾生子皆如已出

駿烝公早年力學文名藉甚中歲後衣食于奔走暇則娛情詩史著有芸牕雜稿配費孺人事舅姑如父母閨門肅睦儉以自御勤勞中饋間遇疾亦無倦容

栗先公守斌多才技凡醫卜騎射皆精配顧孺人識大義稱溫惠

浦陽主家政以伯仲次拱辰公守鑄性謹厚老而好學居長興兜雍正五年浦陽族衆邀主家政適以疾終

葬地有定數相甫公應瀚與弟君甫公應津章甫公應洪將葬寧甫公于祇字一圩喪車距葬處數十步紉忽斷適當已之地三公齊聲曰先子樂居此即治之凡堪輿家過者皆謂佳地已而君甫章甫兩公富甲里中至今子孫蕃衍掇科甲登膺仕者皆三公後先君子常以是詔子姓且戒勿惑于形家言致稽窳窳

君甫公章甫公克守義門家範兄相甫公不事生產
見義必為凡有所需不待言爭先奉之

進士公居吳門有文譽少困場屋年五十餘中康熙
丙子舉人丁丑進士將除知縣而卒晚年號驥村
居士驥村為始遷湖州祖所居里示不忘先也至
今吳中老儒稱驥村先生著述惜散佚

燦生公應光性仁厚調急扶危鄉里推重出後徐氏
家杭州螺螄巷後歸本支

相甫公當明末家被盜一無所失負公之父及姪去
索以金贖盜魁到處輒張蓋踞坐捆載所得盈十
餘大舩鳴金而去莫之敢櫻公與弟君甫章甫二
公攜白金三千兩以往盜欲先納金而後出公兄
弟直入其穴解金負父與姪而還盜壯之莫敢追
越二十餘年公卒破擒之寘之法太湖之盜乃盡
希賢公思梁早卒配黃孺人苦節食果屏紅色年三
十七卒格於例未請旌

曾大父司馬公思元延師課子孫極誠敬養拙老人
沈三秀先君師也嘗詔佶曰爾尊人從吾遊時吾

嘗咯血服全鹿丸司馬公數來視見籠中九甫罄
即遺之我今八十餘賴贈丸力也先君子六十生
辰贈詩曰書帶堂中絳幄垂春風童冠憶追隨而
今莫怪先生老君已平頭花甲時

齊賢公思樗性端方言笑不苟偕兄同居六十年無
間言

迪功公思洽居杭州性儉約祭祀備物必虔與人交
重氣節少博綜子史百家中年棄舉業專精字學
窮三篆八體夜分校讐不釋卷盈書累篋兼長於

刑名矜全甚多

讓賢公思繼與兄同居杭州性寬厚務簡質攻經傳
子史及釋老書詮釋內典不泥於章句與賓客談
論竟日不倦善行楷晉唐碑刻購舊搨本摹之暇
則以字學課子弟晚乃放浪湖山風雪不阻集同
人賃室吳山號吳山老友

相甫公嘗早起倚杖門外見邏卒繫人舟中年未二
十視之乃里中人詰之故以飢餓竊晒衣被執對
公為解之得脫向公語曰蒙公見救無顏處里中

欲遠行苦無資狀欲投水公遺白金二錠遂之富
陽村墟中為人傭磨以給主家無子止一女俱染
疫無顧問者其人扶持不少離病間遂以女妻之
且委以肆後致富甲於邑中公知其已成立未嘗
語及之公歿未踰年忽有乘大舩載肴饌明器來
哭奠舉族莫之識祭奠畢以前事告且述其近狀
淚泫泫下臨去嘆曰公今歿矣何從報德後公之
子姓道過其家歛留如至戚者數世不衰聞者謂
報德非難難乎其不自諱聞其後人至今尚裕

芝嶠公爾煥弟沈疴視湯藥無倦弟亡撫遺孤如已
子輕財好施與人感之

大父松巖公爾穀為郡宿儒年四十杜門却軌以禽
魚花竹自娛教諸子以篤踐之學著有松巖文稿
子美公爾掩精痘科延者填戶子秀年公若崙克傳
公業居雙林鎮北之古城村

子尚公爾賓一名大賓親友告借資匱必籌畫濟之
工楷法有文譽嚴開之啓隆撰春秋傳註十六卷
公與沈蓉卿侍御洪叅訂付諸梓後板燬於火

子嘉公爾猷放懷山水詩酒怡情有古達士風菁山
柿葉山房題壁尚存

佑可公若珠善醫客衍聖公府名滿東魯歿於曲阜
後嗣居山東

荇洲公若聰性喜潔焚香掃地列甕銅古玩與朋儕
品題書畫嘗忘寢食著有蕉牕雜著二卷中年喪
子哭子文五篇附簡末臨終遺命立孫

朗文公若奎晚年築小圃疊石蔣花棋酒自娛脩然
塵外李學使因培書老成醇謹四字遺之

西長公若垣孝友樂善弟早亡弟婦章孺人痛不欲
生以次子嗣之勸慰周摯孺人乃矢志守節壽臻
八十里有善事公必先倡率以次子遇亨仕貤贈
文林郎

先君益亭公若屏性孝友上有五伯父怡怡無間言
大父好異書名畫及時花異卉凡所能致者先君
靡不力購以適大父志生平足不妄踰里門年六
十餘因宗譜不輯垂四十年乃親渡羅刹江乘筏
穿澗曲詣浦陽拜奠宗祠合族會食敘明世系載

譜歸葬之日與家人講說前人名義每以同居之
盛不及身與其間為恨輒為廢書三歎歲時享祀
必務飭家人潔治先人所嗜及奠筭泣然淚下感
慕不能已且卜地於先兆之側曰廬墓儒先所弗
許吾死歸骨父母之旁永隨地下耳

先君嘗構齋於室之東偏以大父手澤藏置其中錢
唐金壽門農題之曰澹然先君曰此足當我先子
易名矣後有以大父所好名蹟來售者輒誦歐文
曰昔嘗不足今何及矣却之先妣談孺人庇家事
勤而儉延師供膳必親治之親族以困告脫簪珥
以濟御下寬和有甘旨必分遺不少留

先君性好施與疾有藥死有櫛寒衣暑帳歲無程限
獨不喜福田利益之說石漾之濱舊有護生禪院
衆議欲建金剛殿其基適當先君之糧田先君曰
此鎮之古蹟也即捐之後又議起大悲閣閣之址
又先君之田也先君曰吾里塵囂此地偏可為後
進讀書處復施之生平不嗜齋無疾而卒卒之夕
盥漱整衣履教子孫恪遵家範毋分資產

先君嘗戒子姪曰長江大河浮槎斷梗皆隨流順下
山水刻厲沙石清激則魚鳥或不蕃汝曹為人寧
渾厚毋谿刻

對王公若揚早卒配章孺人守節五十餘年撫嗣子
恩而嚴治家勤儉祭祀備物極其虔以嗣子遇亨
仕封太孺人享年八十

南容公若璋少孤而貧為童子師以自給歷二十餘
年家漸裕暮年猶躬親鉅細終身不役婢僕公之
子賡揚兄弟治家事一如公又擴充之凡惇宗睦

族置祭田不卹重貲

周節母佶之姑氏也年十九而寡舅歿遺妾高氏常
熟人年與姑氏同相與矢志守節歷四十餘年雍
睦無間言兩節母歿後有司以節孝 聞給帑建
坊會嗣子及長孫相繼亡坊未建今姑氏之孫婦
姚亦守志三十餘年已題 旌矣一門三節里中
罕見姚生二子其次子已受室忽中癘暴死天之
報施有不可知者

再從姑字談聞夫訃奔喪守節四十餘年撫嗣子成

立旌表建貞女坊從姑字閔聞夫訃守節未十年而卒載府志崇祀貞節祠

芝巖公爾行浣香居倡和詩一卷辛丑被焚卷中方翁德心詠勿倒翁云借力轉旋如得意無心傾向若為情託興深遠見雙溪倡和詩當時里中詩壇沈蓉薌侍御懋華初名洪以雄健勝表履村布衣士達以清麗勝各樹旗鼓沈門下沈泊村太守瀾孫蘇門明經培沈石塘茂才三秀接表之派者茅湘客學博應奎方翁以賣藥自給出表之門今無知

之者

義門譜牒自漢初迄南宋凡四十五世宋冲素公迄今又二十七世唐觀察公定系記司空圖跋之宋臨海公燮生又於呂夏家得唐四庫中乙部第十二類之一卷叅取故家攷以正唐書宰相世系表之誤元龍灣公既就正於柳文肅贈禮部公復就正於吳淵穎淵穎為作譜圖宋文憲又續之世次乃極其詳信承先君子命纂葺遷湖支譜因循三十年今就養子琛星子官舍編次甫定會巖虛白

謙主白鹿書院講席以稿質之以為不失淵穎家
法并為節去冗字言簡而意尤完佶於家先哲無
能為役竊喜就正又能得人耳

明洪武三年夏詔徵江南諸郡縣凡稱大家者悉赴
闕上親諭之凡陰陽性命古今治亂及風俗政治
得失之故累數千言刻為書以摹本分賜貞義公
聰宣諭東歸朝士送行詩不下數十家諸體皆備
七律尤多高青邱啟詩曰閣門傳詔山人拜清曉
蓬萊望彩霞布裕朝天纜赴闕蒲帆帶雨又還家

沈侯詠罷樓沈月婺女粧殘廟掩花無限朝廷仁
卹意慇懃歸向老農誇渤海雷啓詩曰義門喬木
有慈鴉東浙江南第一家朝闕布衣天語近還鄉
畫舫水程賒沈侯詠罷樓沈月婺女粧殘廟掩花
相送君歸仍自感遠離兄弟客京華沈侯一聯二
詩不易一字高詩麟溪集失載佶纂義門遷湖支
譜藝文中並存之以俟博洽者鑒定

吾族世居浦江之白麟溪歷宋迄明先世遺蹟經前
人題詠序記者至今猶存自雲石公遷湖後子姓

越三載遣一二人赴浦會譜族中有畢身不履白
麟溪者無由瞻仰因取信而有徵者繕先疇攷一
卷附支譜後

宋冲應公無子冲素公以次子希靜公嗣之為同居
第一世希聲希靜二公為同居第二世第三世伯
仲凡五第四世凡五第五世凡六第六世凡六第
七世昌字行凡一十有一第八世義字行凡二十
有六第九世旌字行凡四十有一第十世宇字行
凡六十有五皆共繫第十一世謙字行凡一百二

十有一始分居第十二世仁字行凡一百九十有
四第十三世禮字行凡二百四十有一第十四世
華字行凡五百八十有四第十五世升字行凡九
百七十有一第十六世正字行凡一千九十有九
第十七世虔字行凡一千一百五十第十八世恭
字行凡一千二百五十有六第十九世巽字行凡
一千三百八十有三第二十世順字行凡一千六
百四十有六第二十一世忠字行凡一千七百二
十有五第二十二世孝字行自康熙癸亥至嘉慶

乙丑凡一千五百第二十三世傳字行自康熙辛
丑至嘉慶乙丑凡一千七十第二十四世芳字行
自乾隆庚申至嘉慶乙丑凡五百九十有一第二
十五世貽字行自乾隆辛卯至嘉慶乙丑凡一百
四十有二自第二十世順字行以後添丁正未有
艾茲從嘉慶乙丑修宗譜總核也

曾大父司馬公購大理石障二其紋一似崇巒橫亘
大雪初晴一似驟雨欲來墨雲四起置之書帶堂
中當從祖祖母與大父分居時移一障去大父割

膏腴以易之復列置堂中乾隆辛丑仲冬不戒於
火倉皇間有力者負一障去佶訪而贖還之今支
祠落成移置祠中之有序堂使後人知故物猶存
邊旁用漆歲久漫漶因命工重装并記其離合之
緣如此

兄弟倡酬人生樂事垂暮之年離久而合尤難得也
博士公被斥將歸適采苓貞義兩公亦來京師同
載而還公於途中寄弟經歷公詩曰去年七月初
官舟渡肥水倉黃出西門險若危郊累今年七月

初給引歸故里趣裝赴早涼蓐食聞雞起吁嗟萍
梗踪信哉無定止誰知兩年間俱以七月裏皇天
憫羈窮茲行端可喜聯翩日同載敘此兄與弟怡
情語偏多入夜游未已身疑杖花軒不計坐蓬底
月泉已在望數日頻縷指食新茲維時行當飯香
米因思此餘生我數豈終否履泰須有時靜守宜
順理眷茲麀溪旁有樓名聽雨詩成寄潛齋同登
今可擬經歷公和曰人生無定蹤聚散若萍水禍
福信由天功行須積累當年少壯時鵬程思萬里

狂歌事遠遊醉舞中夜起兩都歲從行一紀無寧
止朝騎上苑旁日食東閣裏及歸弄綵衣數載春
庭喜杯盤敘親舊墳箎叶兄弟滄海忽桑田社稷
終以已兄今亦倦遊清節當共砥豈必耀里閭但
莫後人指淵明歸去來匪因五斗米我寧處窮約
儉損常守否出處既若斯榮辱勿致理食求充口
腹居止蔽風雨知命且樂天富貴非所擬佶就養
子琛星子官舍淹忽十載今歸省墓兄弟之能詩
者已盡亡矣悲夫

乙亥七夕友人招飲歸途過沈韻樓上舍受采家
出示其遠祖原昭先生花谿集先生名夢麟篤
學窮經工文辭舉元至元己卯鄉薦登進士授
婺源學正遷武康令至正時解官歸隱歸安之
花谿學者稱花谿先生明初徵不仕應闕浙聘
五校鄉闈又會試同考高廟重之面稱老試官
家罹禍子孫遠戍集遂佚四世孫清官刑部郎
官錄囚南畿過故都訪求士大夫家編成集集
中與家先哲贈答甚夥家刻麟溪集皆失載手

錄若干篇於誦芬錄後以備續刊

題扇贈義門鄭叔致

層巒擁青螺羣木結翠葆英英白雲生滃滃玉
氣繞烟村茆屋虛蘿逕人踪少石梁有來客巾
履何皎皎得非浣花翁適彼求鄭老故人諒不
拒歲月我已耄丹青寫此意豈曰便面小因之
請奉揚清風散沖抱

采苓子有序

先生自號太史景濂宋公既為之傳詳其事諸

大夫士又著為詩文以歌詠之宮商交作金春
玉應使采苓子之名逃名而我隨矣雖然詩之
采苓乃甘草也甘草可和百藥而不能延年若
先生之采苓乃茯苓也本草謂松脂入地千年
化為茯苓服之可以長生僕因相從之久密叩
先生采苓之說而盡得其秘歲暮將歸輒效橘
頌一章以謝之

瞻彼青松鬱林莽兮輪囷崩劣托根固兮上生
兔絲如柎黍兮下生琥珀如絳炬兮爰有君子

鄭仲父兮篤爾孝義藐圭組兮采苓九藍節獨
苦兮有罇有鏡跑厥土兮調以玉杵碎鍾乳兮
載采其花黃雪雨兮載割其脂金膏澍兮或蒸
為糧飢可茹兮或釀以酒酌可取兮匪資金石
媁龍虎兮豈惟延年可輕舉兮我睇金華有仙
侶兮於焉服食牧羣犴兮遐我玉音不可覩兮
既為鄭子罄中素兮我師其術百疾除兮式通
其靈如筏渡兮鶴鳴於天風乎舞兮駕言上征
子出祖兮載采其苓吾與汝兮負之而去如一

羽兮太虛冥冥吾不知其所兮

輓義門鄭伯陽先生二十韻

山入金華郡星分婺女墟白麟溪上出黃耆此
中居天敘先吾老家人慎厥初睦宗書百忍教
子足三餘棣萼榮蘭橈荆花拂板輿高卑有喬
梓孝義表門閭老我曾觀禮多君不棄樗登階
煩倒屣留客荷牽裾亟饋庖多肉長歌食有魚
開園摘新橘會食薦嘉蔬濫吹慙吾道懷歸憶
敝廬囊金盡瓶粟已無儲指廩煩推已封

囊遠致予哀矜情已至感激我非虛跋涉山川
隔淒涼歲月餘十年成契濶千里斷音書白露
三秋杪黃花九月初忽聞華表鶴已化夢中胥
往弔舟藏壑徒行石有碣臨歧揮老淚三歎九

踟躕

按原本闕兩字初餘字重韻

鄭義門三老圖

白麟溪頭鄭義門螽斯麟趾何詵詵中有三人
同胞親白頭孝義敦天倫伯兄頽然七尺身皎
如野鶴超雞羣山中宰相天所賚義門棟梁渠

言步金老
為尊仲弟夙稟風神秀手拂長髯曳長袖逍遙
林下采松花釀得春醪為兄壽季也溫恭美如
玉官樣文章尺度足經筵進講沐天香詞林掌
故蓮燭萬里新從燕趙歸弟兄共著山人衣
有序堂中拜家慶棣花軒内生光輝松根如子
身曲局燒竹煎茶啜山淥阿兄寄傲據牀坐二
弟隨行立容縮香山九老不專美洛下耆英如
在目吳興畫手稱絕倫靜也趙家之外孫涉江
奉母亦勞瘁貌得孝義如其人老夫與鄭交有

道愛爾丹青寫得好吁嗟此圖關世教如岡如
陵多壽考吾亦低頭頌三老

舊館鄭叔文寓舍多種諸色菊花獨冬菊一枝
雪中盛開僕往來觀之不厭叔文索賦

舊溪寒菊更新明為客看花倍有情晚節不因
霜後變餘香偏向雪中榮頻煩鄭老謀清酌却
笑靈均賦落英聞道移根故園去高堂三老定
歡迎

和道原長老韻送鄭叔文

愛爾層軒上下寬
我來君去不同歡
月明同詠
登樓賦風色先吹
適越冠南國
天高鴻雁喜
西陵潮落白鷗寒
還家苦憶休文老
青眼何由伯仲看

義門鄭叔文山人舊館

金華我欲乘風去
舊館君能縮地來
山近茆君勾曲洞天連
簫史鳳凰臺
洞庭雨脚吹笙坐
華岳蓮花濯錦開
好是水晶宮裏客
尋真何必到天台

送義門鄭仲持

原本作仲文誤

赴福建布政使司左叅

議

榕葉鶯嘯五月涼
天開政府控炎方
少年叅議承恩重
白髮隣翁賦別忙
鷄火含丹催荔子
雞心切玉薦檳榔
閩中風物能如舊
莫惜緘題遠寄將

鄭叔恭扇

原本恭作弓

金華山下草亭孤
五月荷花似鑑湖
風急纜侵堤上柳
渚清魚泳水中蒲
扣舷二客應能賦
送

酒羣鷗不待呼誰道人皆苦炎熱溪山隨處有
冰壺

重陽小集之明日皇甫彥昭復招飲且賦詩見
示因和韻以謝時徐廣文鄭叔文同飲

我老每扶斑竹杖多君重約紫萸杯千頭橘子
從人采一樹芙蓉對酒開北海芳尊無俗客南
州高士不凡才同襟更有麟溪鄭千里楚音不
速來

壬子冬十一月 日僕過浦江訪鄭仲舒伯仲

鄭首賦詩因和詩以謝

湖海論交伯仲知死生契濶每攢眉別來歲月
如長夜相見衣冠異昔時有酒阮公渾得醉無
家杜甫不勝悲請看棣萼相輝處吾亦低頭拜
紫芝

哭鄭仲幾僉憲

錢塘城裏亂離年膠漆情親席每連約我登堂同
拜母悲君作客竟遊仙春風燕子江南夢宿草
麒麟石上眠東望烏傷埋玉地令人中夜淚潛

然墓在烏傷

答仲舒博士簡危先生韻

謝公平日愛登山歲晏歸來兩屐閒野望松筠
連第宅樓居風雨隔塵寰酒盃但可拈重碧詩
句吾當露一斑從此與君成二老不妨白髮對
蒼顏

冀北離羣二十年相從猶記客燕然太常詞翰
當傳後老客聰明不及前竹葉清醑從我醉梅
花綠鳳可人憐無端藥裏關心甚歸夢頻頻到

雲川

鄭叔車迎父詩卷

日落長安客未回思親無那肺肝摧便騎胡馬
追風去不道江船載父來白髮南歸禾黍地青
山西繞鳳凰臺還家棣萼春無限好看菜衣舉
壽杯

浦江道中寄義門鄭諸公

白麀溪頭孝義家百年喬木湛清華

義門有水
木清華亭

樽開北海長留客地接青門好種瓜雲碓曉春

杭稻粒星機夜織木棉花先生莫問貧何事
最是香醪不用賒

驪駒賦罷出高門送野何人把綠尊
一代衣冠

燕市客謂少公也三朝文獻鄭家孫
溪頭黃柳愁先

覓橋上青山手可捫原本作轎上疑誤字
數盡客程漁浦

近紛紛白雪映朝暎

雙溪釣隱義門鄭叔文索賦

貌得雙溪釣隱圖蕙葭霜落過湘湖
沙頭繫纜舟相並蓬底攤書客不孤
千尺雲松龍夭矯兩

邊江樹錦糝糊平生亦有煙波興
消得先生酒百壺

宴鄭義門有序堂

春日論交有序堂頻煩鄭老宴霞觴
釘盤珍果分崖蜜照席名花妬海棠
松柏在山多壽考主賓有禮總文章
明朝別後應相憶豈恨春江百里長

輓鄭博士

浦江春水綠泫泫苦憶平生鄭廣文
燕市盍簪

交有道龍沙躍馬喜同羣觀光嘆我空為客獻
賦多君早策勲內省承恩天咫尺太常議禮日
紛紛草麻風動飛鸞筆進講香浮辟蠹芸紫禁
朝趨朱履上青綾夜宿麝膏焚清光屢被張公
藝輿論同歸崔孝芬遷轉倦為天上客釣遊還
憶越中粉鱸魚風起驚秋暮駿骨臺傾又夕曛
西過鎬京歌振鷺南歸北里賦停雲鵲鴿沙暖
詩無廢棣萼軒高酒屢醺一飯思親留美味五
倫有子浣中裊譜餘六世終無覺服盡諸孫不

忍分炯炯丹心明杲日垂垂白髮避元纁泉因
孝感親朋汲田播人情子姓耘拄杖有時歌綠
竹濯纓隨意采香芹稀年已見圖三老好客時
能罄一欣華表忽聞千歲鶴山中已有百年墳
屋梁月色徒勞夢谷口楚音已不聞欲致生芻
歌潦倒白頭清淚灑江濱

書沈原昭先生花谿集後

先生古逸民顯晦志不易讀書攀天根吐詞掃
陳迹瓦釜紛淫哇黃鍾獨開闢少孤願顯揚圭

組非吾惜杏花开上林早起瑶池席分符宰山
城凋瘵苦難革元祚丁仳離苛政日以迫飄飄
解綬歸花谿詠朝夕家因飴義貧交向斷金擇
青田與浦陽盟心堅金石劉本帝王師鄭乃孝
義窟相與保令名鼎足稱三益泗上起真人邱
園賁束帛羣公滿京華先生終阡陌大府慕賢
名交章薦校核五校棘闈文同核金門策帝稱
老試官頭銜不加冊鑒茲鐵石心勵彼巢由節
和陶自長吟訪戴偶然適風雨獨開門優哉待

歲卒高名造物憎無端羅奇阨一孫干天刑全
家例遠謫通財法網嚴誰能分黑白皇華于役
多上疏自切責承恩許赦歸形單而影隻翩然
懷舊游磨溪有佳客酒進松花香膾取石羊炙
無家悲杜陵離緒傷吟魄唱酬二十篇得一猶
遺百家刻富搜羅何為失圭璧小子手親鈔續
刊應先撫兩家世文連視今猶視昔

誦芬錄卷四

附錄

嫡兄遵駒字昂千性友愛撫幼弟延師督課竭其誠
弟補弟子員即亡以已子嗣之後以繼子琛仕贈
文林郎配方孺人侍姑吳太孺人疾晝夜不離側
抱就便液三年不倦時孺人年將六十矣性寬柔
無疾言遽色加婢僕贈太孺人里黨誦之

五服兄遵範字賓于性豪放好遠游攻醫外科尤精
得世父佑可公之傳求醫者來當食必投箸以遺
丹丸或延之至其家雖寒暑風雨不辭概不責報

有以金酬者則曰却之是沽名也留以待貧之不
能市藥者配徐孺人詩人徐雨亭溥之姊賢而才
夫子客中州姑邁危疾侍湯藥及卒附身附棺脫
簪珥治之悉洽禮經

再從兄遵朝字宸瞻號映谷性坦直工書章草尤精
間作墨蘭亦饒逸氣好吟詠隨作隨散不自收拾
途中早起一聯云瘦馬緩行三十里前村初唱五
更雞詩思纏絲為書法所掩乞書者不絕戶必書
先儒格言因其人以寓勸累苦場屋以子祖德仕

封登仕郎

嫡兄遵壽字龍壽幼醇謹舉止如成人與弟同家塾
弟穎悟日誦數百言乃晝夜勤讀與弟相埒卒致
病瘵

嫡兄遵躍字在天性敏讀書默誦數過不忘補弟子
員一載而歿詩文書法皆蒼老著有草堂詩草一
卷被焚今佚

再從兄遵三又名遇亨號擢亭少孤力學事嗣母先
意承志事兄如父游京師屢困棘闈充四庫會要

言方錄卷四
館騰錄議敘分發湖南補益陽丞尋升巴陵令聽
訟平允剔弊興利民多愛戴後以事戍軍臺將告
歸疾作而歿原配董孺人奉姑嫜和妯娌操持中
饋豐儉合宜贈孺人

仲弟遵岳字楚方號曉園初應童子試督學李宗文
奇之以違式見遺遂棄而賈游潁上無所獲再從
兄宰巴陵任以會計秋毫無所私兄方罷官善化
明府某耳其名來延辭不就歸則潛心於詩五七
言近體規撫范陸頗出新意著有曉園吟一卷阮

中丞元采入輜軒集

折臂吟并引

仲弟曉園年踰四十齋志以歿我寡兄弟今而
後助我其誰與因以首章結句名篇

癸丑秋七月弟又適楚地出門逾三旬侵晨卒
然至义手驚欲扶形容頓顛頓告言抱病歸舟
師頗見忌同行賴故知相隨不相棄江神送好
風涉江亦云利還家且休養自度病無累如何
旦夕間舍我出不意號咷撫爾尸痛甚折吾臂

一世為兄弟苦樂相支持記言到蕪湖有病行
稽遲豈其蹉跎久遂致不可為脩短雖有數寔
恨無良醫命盡在夜半黃昏猶未知此情良難
慰此恨無終時已矣復何言與爾他生期

鮮民生不辰火又燬吾廬相期各努力卒歲無
寧居湘中與潁上弟留九載餘時乖志不遂彈
鋏歌車魚去冬返窮巷談笑長怡如兩杖交頭
倚傷哉此語虛

同氣只三人弟妹無間言妹也稱未亡弟又赴
九原累累孤兒女未字亦未婚能成立與否今
茲且莫論後死者職耳吾寧辭其繁歿者志未
遂何時乾淚痕

四載客巴陵前者徒株守蘇黃范陸集耽吟不
釋手余時館西泠書來頗自負寄我遣興詩清
新而醇厚今看曉園吟猶存三百首天若永其
年所得止此否

生居三間屋死則歸山邱並依父母側九京喜
同游斯言猶在耳斯願何時酬平田擇高隴植

松柏桐楸魂魄共來歸
盼蠻閱春秋

庭前雙桂樹花開落滿階
天香散座右觸緒悲
孔懷不應方溽暑
長途勞芒鞋恨予不爾止
致汝先予埋雖非死道路
斯言強自排嗟予久病
目血淚無多措

死生雖云命憂傷令人老
弟年四十三去我亦
何早雁行失其羣
隻身難自保感謝親知言勸
我開懷抱孤姪成立時
庶其慰潦倒

先君子嘗詔佶曰吾冲素公以孝友起家同居共爨
垂十有一世歷朝之旌表蠲復綸音詔誥則有聖恩
錄旌義編冠昏喪祭則有鄭氏家儀家範家先哲之
著述則彙刻義門詩文集而麟溪一集則載師友之
淵源巨公名人之交游題贈極其詳其他見於浦陽
人物記金華賢達傳省郡縣志者不絕書美且備矣
吾子弟行中語以先世行誼有茫無以應者間有能
道之亦約畧而未詳蓋簡帖繁不易讀讀之未能盡
記我意欲彙一編便以觀覽我老矣汝其勉之歲辛

丑先君子捐館舍是年冬家燬于火佶因衣食于奔走不克仰承先君子之志三十有餘年然蓬牖旅邸感感于心不敢忘迨乙丑子琛成進士以即用令星子迎佶于官舍為佶葺觀書之所遂取新舊宗譜纂成遷湖支譜十二卷先君子遺命之所首重者也纂既竣先世言行畧知梗概復取諸書三四讀證諸譜牒之所載與先君子之詔教小子者條記之彙為一編或一公而迭見或數事而並書敘依世次而以兄弟之已故有可書者附焉自壬申迄乙亥歷四寒暑

而成釐為四卷題曰誦芬錄烏乎佶愧不能顯揚于萬一惟先人之清芬誦之以自勗抑以冀吾後人共勗之得不愧為冲素之子孫庶幾先君子守先待後之志歡然于泉下也歟嘉慶二十有四年歲次己卯夏五月義門二十二世鄭佶謹識

誦芬錄

後序



